

## Eli deuna ta Odeitxoa



NDRE - LUN eskututsua bai litzan urīnera begira daukazu Karmel-tontora. Onetan daukaz itxaso andiko olatu bistsuak; orain arkaitzak eratsi nairik apañez gañezka, gero bake-bakean, ume irudi, lo gozoaren kolkoan.

Gomuta atsegin-samuñez beterikoa dozu, irakurle, Kormel'go tontor au. Zenbat gizon eta emakume, bizitz-amesez abailduta, igon izan diran mendi-kukutz ontara, bake-egi-atseden-bila! Gain onelsi onetatik zenbatek zuzendu dabezan Josugana biotz-bařutiko eskari suttsuak! Zenbatek ase daben zeruko zorion-izpiz bere gogo-egari bizia!


Edesti deunak diñoskunez, antxe batu ziran bein, Eli igarle andiak aginduta, Israel-eria ta bertako sasi-igarle guztiak, Baal guzuzkoaren yařaileak. Akab eřege gaiztoak Jaungoiko egiazkua aldaritzen eben igarle onak eriotzara epaitu ta burua moztu eutsen. Eli bakařik aurkitzen zan. Zer egin? Jaungoikoa'ren adoreak biotza indartzen eutson, eta guzuzko igarle ta eri osoa Karmel'go mendi-tontorean baturik, danen aurean, iñoz baño kementsuago onela diadar dagi: Israel'go semeak, zeru-luren Jaungoikoa'k autu ta ainbeste eruki-erakutsiz orniduak, noz arte izango zarie biotz-gogor eta eskar gaiztokoak? Zer dala-ta egizko Jaungoikoa itxi ta Baal'en jařale egin zarie? Zuok Jaungoikoa Baal'egaz bardindu gura dozue; auxe da zuen pekaturik andiena; baña iñor bere ezin daikioe Jaun biri otsein izan. Zuen Jauna Jaun egiazkoa ba-da, jařaitu berari bakařik eta ezetsi atseritařen jainkoak; Baal baldin ba-da, oster, zabiltze bere jařai ardura barik. Jaungoikoa'ren igarleak, neu ez beste guztiak, batzuk ilak izan dira beste batzuk or da-

biltz ipurloka arerioakandik iges. Baal'en igarleak lareun eta berogeita amařelik gora dira; baña ez nabe ikaratzen, Jaungoikoaren burukatzen danak bakařik garaitza jade-tsiko dau-ta. Zuok guztiok nire ustez ontzat artuko dautazuen asmu bat buruan jaři yat: Ekaři egizuez idi bi, bata Baal'en igarleentzat eta bestea neuretzat. Idi oneik Jaungoikoari eskiņiko dautsoeguz, zuek Baal'i ta nik be neure Jauna'ri; idiok gero zati-zati egingo doguz, eta zuek zeuena altara baten gaņean ipiņiko dozue ta nik be neurea beste altara baten gaņean; ondoren zeuen Jaungoikoari deadar egingo dautsazue ta nik neureari, eta deadařen entzunara opagaya eřetako zerutik sua bialtzen dauan Jaungoikoa, orixe izango da egiazko Jaungoikoa.

Eři osoak aintzakotzat artu eban Eli'ren erabagia. Eta asi eben euren idi-eskintza. Baal'en igarleak izan ziran lenen idia eskiņi ebenak. Zatitu ta ařiz egindako altara gaņean ipiņirik, euren Jauna'ri deika asi ziran. Goizetik eguerdirarte ekin ařen, baña, ez eben ezertxo be lortu; eztaři betean oyu egin ařen, Baal ixilik, ez eban entzuten uřean aren eskariak.

Ezer ez ebela jadesten eta Eli andiak txantxetan: Ekin, ekin, diņotse, zoliago ots-egizue, zuen jainko ori itxuraz gořa da-ta. Bape zuen ardura barik norbaitegaz maitekiro autuan yardungo dau, bidez ibili dabil, edo ařoztetxen baten jolasean diardu, edo-ta nasai-nasai lo datza nonbait; biziago zarata, itxartu dadin. Baña, alan eta guzti be, ez eben ezer lortu, Baal ez etořen eura urgazten.

Gero, Eli igarleak bere opagaya artu ta Jainkoari eskiņi eutson. Amabi ařizko maya jasorik, onen ganean egur-piřoa ipiņi eban eta egun ganean idi zatitua. Ařizko mai inguruan eřetena egiteko agindu ondoren, idi, egur eta aři ganera ur asko bota eban, inguruko zer guztiak ur-apatzetan ipiņi arte. Onen ostean altara oņetan belau-niko jaři, begi-eskuak zerurantz, eřiaren agirian otoitz



KARMEL - MENDIA

labur-sutsua egin eban. Bereala su andia jatsi zan zerutik, idi, egur, altara ta ereten-bera erion ura zeatz ere ta kiskaldu ebazana.

Ain gauza arigaria ikusirik, an batuta egoan eri guztiak, bildur eta ikaraz, egindako pekatuen parkamena Jaungoikoari eskatzen eutsoela: Auxe da, inoen, egiazko Jaungoikoa, Beragan sinisten dogu. Eria bide onera etorela ikustean, pozik eta adoretzu aurkitzen zan Eli andia, ta Baal'en sasi-igarle guzti arei oratzeko agindu eban; Kison eritxon erekastora eroan eta antxe dan-danai burua moztu eutsen.

Eli Deunak, garaitze au lortu ta israeldarok egiazko Jaungoikoa gurtzen ebela jakiñik, iru urte ta erdian euri-tantarik jausi etzan eri ta eriko soloakaz erukitu zan, eta laster euri bigun-ugaria etoriko zala itz-emon eutson Akab eregeari.

Jazokun miragari onen ondoren Akab eregea etxera itzuli zan eta Eli mendi ganera Jaungoikoari eskerak egiten. Luzaro ekin eutson otoiari, ta gero gorago igon eta euri-antzik agiri zan ikusteko agindu eutson bere moroyari. Eli igarleak zirautsona eginik igon zan moroya, baita laster biurtu be ezer etzala agiri-ta. Oindiño sutsuago ekin eutson Eli'k otoiketean, eta gauza bardiña agindu eutson moroyari; zazpi aldiz egin eban beste ainbeste. Eta zazpigarrenean, bayetz inoan moroyak, laster luña bustiko eban euri-antza agiri zala; giza-onatza-ren antzeko odei txikia jagiten zan astiro itxas-barenetik. Odei txiki baña urtsu ori itxasaldetik Karmel-mendirantza etoren, eta luzaro legor gorian egon zirian luñalde areik urez ase ebazan.

Eli Deuna jagi ta pozañen odeitxoa ikusten joan zan. Antxe, Karmel'go mendi-bizkañetik, Odeitxo suri arengan Jaungoikoaren Ama, eskañez betea ta Sortzez garbia ikusi eban iragarle-indañez. Eta ain gizkarbi eder eta bakanaren aurean zoraturik, beingo baten bere garbitasuna opaldu eutson. Biotz-biotzez maitatu eban jaio

baño bederatzireun urte aurretik. Antxe bere omen eta deduz ortsiko izañak baño ugariago izango zan lagundi andia, Karmeldaren Gopatza, irasi edo sor-azo eban. Antxe geroago, Edestiak diñoenez, zeruko Ama samur ori goresteko munduan izan danik lenengo eleizetxoa jaso eben Eli ospatsuaren jañaleak, Karmeldarñak. Añez-kerokero ia beti bizi izan diran Karmel'go Amaren semeak antxiña-antxiñatik Odeitxo zori antz-pean Eli'k aurretiaz ikuskatutako goi-Eregiñari eregiriko eleiz-etxe ta mendi-gain maitatu aretan.

JAGOBA, K. O.



JANARIAK

FUENTE'TAR SEBASTEN

BILBAO

ALGORTA

SANTURZE

OPILTOAK (galetak)

ARIOLA

BILBAO